

VHIKI RO TSALA MAPAPILA YO HANGALASA NDZHAKA ETIKWENI

17-21 September 2018

PFUMELELA GQWETA RIKU TSALELA PAPILA RO HANGALASA NDZHAKA YA WENA - **MAHALA!**



6

Swivangelo swa tsevu leswi ku endlaka u fanele u va na papila ro hangalasa ndzhaka

1. I mfanelo ya wena ku tihlawulela loyi a nga ta kuma ndzhaka ya wena.
2. U fanele u tiyisisa leswaku ndyangu wa wena wa khathaleriwa hi ku ya hi ku navela ka wena ko hetelela.
3. Ndzhaka ya wena yi ta nyikiwa munhu loyi u n'wi hlawuleke.
4. Mulanguteri wa ndzhaka loyi a vekiweke i munhu loyi u n'wi tivaka, loyi u n'wi tshebenga ni loyi kumbexana u tihlawuleke yena.
5. U ta papalata ku hakela mali leyи engetekeke kumbe leyи a swi nga fanelanga ku yi hakela.
6. U ta papalata ku vangela swirho swa ndyangu mbitsi ni timholovo hikuva ku ni swiletelo leswi nga erivaleni swa ndlela leyи ndzhaka yi faneleke yi aviwa ha yona.



5

Swivangelo swa ntlhanu leswi ku endlaka u fanele u tirhisa gqweta ku ku tsalela papila ro hangalasa ndzhaka

1. Gqweta i mutirhi la swi thwaseleke la tsarisiweke eka nhlangano wa timhaka ta swa nawu.
2. Gqweta ri ni vutivi ni ntokoto ku tiyisisa leswaku papila ra wena ro hangalasa ndzhaka ri le nawini naswona ri fambisana ni swilaveko hinkwaswo swa nawu.
3. Gqweta ri pfuna ku tiyisisa leswaku ndzhaka ya wena yi hangalasiwa hi ku hatlisa ni ndlela leyи faneleke.
4. Gqweta ri nga ku tsundzuxa hi swiphigo swihi ni swihi leswi nga ha vaka kona hi papila ra wena ro hangalasa ndzhaka.
5. Gqweta ri nga pfuna mulanguteri wa ndzhaka ya wena.



3

Swilo swinharhu mayelana ni mulanguteri wa ndzhaka

1. Mulanguteri wa ndzhaka u fanele a ava ndzhaka ya wena hi ku ya hi papila ra wena ro hangalasa ndzhaka.
2. Mulanguteri wa ndzhaka a nga va gqweta ra wena, ngamu ya wena, xirho xa ndyangu kumbe munghana.
3. Loko u hlawula ngamu, xirho xa ndyangu kumbe munghana wa wena, ku khutaziwa leswaku u tlhela u hlawula gqweta leswaku ri tirhisanu swin'we ni mulanguteri wa ndzhaka tanihu leswi rona ri nga ta langutana ni timhaka tihni tihni ta nawu.



4

Swilo swa mune leswi u nga ehleketaha swona u nga si tsala papila ro hangalasa ndzhaka

1. I mani loyi a nga ta kuma ndzhaka naswona ndzhaka ya kona hi yili?
2. I mani loyi a nga ta va muwundli wa le nawini wa vana va wena lavatsongo (lava nga ehansi ka malembe ya 18)?
3. I mani loyi a nga ta va mulanguteri wa ndzhaka ya wena?
4. Xana u fanele u tsala papila ro hangalasa ndzhaka u ri ni nghamu ya wena?



2

Swilo swimbirhi leswi u fanele u famba na swona loko u ya hlangana ni gqweta

1. Pasi ra wena (ni ra nghamu ya wena loko papila ra wena ra ndzhaka mi ri tsale swin'we).
2. Nxaxamelo wa swilo leswi nga swa wena (ku katsa ni swilo swa wena n'wini leswi u navelaka ku swi nyika munhu wo karhi) nileswaku mani u ta kuma yini.



1

Xiboho xin'we lexi endliweke

Veka nkarhi ni siku u ti hlanganisa na gqweta leswaku ri ku tsalela papila ra wena ro hangalasa ndzhaka – MAHALA hi Vhiki ro Tsala Mapapila yo Hangalasa Ndzhaka eTikweni ku sukela hiti 17 ku fikela hiti 21 ta September 2018.

Va nga ku tsalela ntsena papila ro hangalasa ndzhaka leri oloveke. A va nge endli mindzulamiso eka mapapila lawa ya tsariwke khale.

Laha u nga kumaka kona gqweta ku ku tsalela papila ra wena ro hangalasa ndzhaka:

www.LSSA.org.za



LAW SOCIETY
OF SOUTH AFRICA

Kumbe u fonela nhlangano wa timhaka ta xinawu ta xifundza lexi faneleke: Loko u lava magqweta le -

- Gauteng, Mpumalanga, Limpopo, North West fonela Law Society of the Northern Provinces eka (012) 338 5800;
- Western, Eastern na Northern Cape fonela Cape Law Society eka (021) 443 6700;
- Free State fonela Law Society of the Free State eka (051) 447 3237;
- KwaZulu-Natal fonela KwaZulu-Natal Law Society eka (033) 345 1304.

Kumbe u fonela Law Society of South Africa eka (012) 366 8800.

Vhiki ro Tsala Mapapila yo Hangalasa Ndzhaka i goza ra Nhlanganu wa Timhaka ta Nawu wa Afrika Dzonga swin'we ni swirho swa wona swa tsevu, ku nga Black Lawyers Association, Cape Law Society, KwaZulu-Natal Law Society, Law Society of the Free State, Law Society of the Northern Provinces na National Association of Democratic Lawyers.

Xifaniso lexi xi tirhiseriwa ku nyikela rungula ntsena naswona a xi fanelanga xi tekiwa tanihu xitsundzuxo xa le nawini.